

DISSERTATIONEM INAUGURALEM MEDICAM

DE

DOLORE FEBRIVM
ACVTARVM

Q V A M

RECTORE MAGNIFICENTISSIMO

SERENISSIMO PRINCIPE AC DOMINO

D O M I N O

WILHELMO HENRICO

DVCE SAXONIAE IVLIACI CLIVIAE MONTIVM
ANGARIAE ET WESTPHALIAE COMITE SAYNAE
ET WITTGENSTEINII RELIQA

P R A E S I D E

SIMONE PAVLO HILSCHERO

MEDICINAE DOCTORE THEORET. PROF. PVBL. ORDINARIO
SERENISSIMIQUE DVCIS SAXONIS GOTHANI ET AL-
TENBURGENSIS A CONSILIIS AVLICIS

PATRONO ATQVE PRAECEPTORE SVO PIE COLENDO

PRO LICENTIA

SVM MOS IN ARTE MEDICA HONORES ET PRI-
VILEGIA DOCTORALIA MORE MAIORVM RITE

CAPESSENDI

PVBICO ERVDITORVM EXAMINI SVBMITTIT

A V C T O R

CAROLVS GOTTLOB RÜCKERVS

ZITTAVIENSIS.

DIE AVGVST. CIO MDCC XXXVIII.

*Raro medela fallit, quem non fefellit
causarum indagatio. CELS.*

IENAE, LITTERIS GROEKERIANIS.

DOLORE FERRIV
ACV TARYM

RESTORE MAGNIFICENT
D O O O O

WE HEEDIO HEARDIO
FOR THE BEST

IN THE
SIMONE TAYO MISCERO

THE ONLY ONE
THE ONLY ONE

THE ONLY ONE
THE ONLY ONE

THE ONLY ONE
THE ONLY ONE

THE ONLY ONE
THE ONLY ONE

THE ONLY ONE
THE ONLY ONE

THE ONLY ONE
THE ONLY ONE



§. I.



xperientia teste discimus, omnes totius corporis animalis, tam viui, quam mortui, fibras molles certo modo tensas esse; inflicto enim parti cuidam molli vulnere, mox huius labia, ex fibris constantia dissectis, sponte a se inuicem retrocedunt. Istam vero tensionem adpellamus naturalem.

§. II.

Instrumentum acutissimum celeriter parti molli, sanæ, admotum, non adeo ingentem excitat dolorem: contra, si eiusmodi pars instrumento denticulato, vel obtuso, lente discindatur, dolor illico percipitur acris. Dolores, ablato instrumento agente, in utroque casu ad tempus mitescunt. Suppuratio consistit in dilaceratione vasculorum obstructorum, distensorum, effluxione ex iisdem liquidorum, horum aequè, ac illorum, contritione, mistione, ac mutatione in materiam pultaceam, a vi vitae institutis. Inflammatio, si in suppurationem tendat, dolores, immo interdum ferme intolerabiles, in corpore humano producit, qui

tam diu durant, donec suppuratio finita est: siue quam primum dilaceratio vasculorum antea dictorum facta est. Vascula denti cuidam insinuata ubi tenduntur, excitatur odontalgia; facta eorum disruptione, quippe quae oleis stillatitiis aromaticis, & vstione maturatur; dens non amplius nobis condolet. Eradicatio dentis lenta idem docet: nam in ipso actu summus quidem excitatur dolor, qui autem post euulsionem peractam breui imminui, vel etiam penitus perire solet. Ideo dexterrimi & prudentissimi chirurgi, ne dolores prorogent, vno ictu & impetu tales operationes vt absoluant, omni studio contendunt; & hoc pacto amputationes membrorum cultris acutissimis & fortibus quoque peragunt, vt aegri saepe vix credant, operationem esse peractam: nam dolor momentaneus pro nullo fere est habendus.

§. III.

Cum facta tensione fibrarum mollium viuarum fit dolor, & ablata tensione abit dolor: sequitur, vt dolor oriatur a tensione fibrarum mollium, vita praeditarum.

§. IV.

Quando neruus plane discinditur, infra vulnus inflictum & partem, ad quam eius fibrae nerueae descendunt, non percipitur actio corporis, dolorem alias producentis: supra vulnus vero, hoc inter, & principium neruorum, eadem corporis, dolorem producere valentis, actio dolorem procreat.

§. V.

Prona sequitur consequentia, vt dolor fieri haud possit, si nerui vel fibrae neruorum integrae non existant, cessante scilicet communicatione istorum cum principio neruorum.

§. VI.

§. VI.

Ligetur nostri corporis neruus vel fibra neruea, cessabit doloris sensus in parte per ligaturam ab altera ista, cerebrum versus progrediente, separata. Pari ratione homines plene & perfecte apoplecticos, eosque, quibus sufficiens quantitas opii ante aliquot horas data est, ob principium neruorum cerebri, & spinalis medullae obstructum, nullum dolorem sentire, notum est.

§. VII.

Vel ipsa igitur experientia nos conuincit, in plane obstructis neruis vel fibris nerueis possibilem non esse doloris existentiam.

§. VIII.

Cum tensio producat dolorem; tensio vero locum habeat in omni nostri corporis statu, & talis modo doloris existentiam permittat, qui neruos integros, & non obstructos supponit: concludimus, dolorem esse a tensione nerui, vel neruorum integrorum, & non obstructorum.

§. IX.

Verum enim vero, si in animali viuo neruus quidam medullae cerebelli integer & sanus ultra modum naturalem extendatur, tunc non doloris, sed alia e tali tensione oritur sensatio, plenitudinis nimirum, & tandem anxietatis: quae eo fit maior, quo plus distractio istius nerui increscit. Confirmat hoc observatio facta, videlicet, si partes hominis vitales, vt cor, arteriae maiores, pulmones &c. ad quas neruorum cerebelli maximam partem descendere omnibus notum est, morbo quodam tententur, hoc laborantem nullum dolorem, sed potius plenitudinem, & anxietatem pro gradu mali maiorem, vel minorem, percipere. Vid. BOERHAAVIUS in *praxi med.* Tom. I. de dolore.

§. X.

Remotis igitur ex hoc principio ortis nervis, illi, qui ex cerebri, & spinalis medullae principio proueniunt, superstites manebunt pro dolore efficiendo.

§. XI.

Lubentissime etiam concedimus, non omnem tensionem neruorum potentia dolorem producendi gaudere: vel quotidiana enim amicorum inter se consuetudo, vbi alter alterum blande palpat, nos docet, hunc exinde non sentire dolorem, qui tamen notabiliter satis percipitur, cum alter alterum fustibus excipit. Sed hae duae actiones neutiquam, nisi in gradu minori, vel maiori, a se diuersae sunt, ita, vt ista naturalem, haec naturali maiorem, tensionis gradum producat; igitur dolor oritur a tensione, & quidem naturali maiore. Quam diu enim tensio fibrarum vbique aliqua in parte est aequalis & naturalis, tam diu nullum dolorem percipit animal.

§. XII.

Ex ante dictis sequitur, vt dolor sit sensatio molesta, a cuiusdam corporis actione proueniens in animali viuo, huius neruum cerebri, vel spinalis medullae, integrum, nec obstructum, vltra modum naturalem, violenter, extendentis.

§. XIII.

Ergo corpus animale mortuum nunquam excruciaripotest dolore. Proficiscitur hinc ratio, cur plene & perfecte apoplectici, vel alio affectu soporoso grauiori laborantes mortui saepe putentur, si post adplicationem instrumentorum, sanis iisdem admodum dolorificorum, nulla doloris percepti signa edunt.

§. XIV.

Ergo corpus animale viuum nunquam adfici potest dolore,

dolore, nisi huius integrae fibrae nerueae & non obstructae cerebri, vel spinalis, medullae, vltra modum naturalem, violenter, tendantur.

§. XV.

Doloris ortum, variumque eiusdem genus, ita nobis sistimus: quo magis tensio nerui uiui increscit, eo magis parietes huius accedunt ad se inuicem; eo magis premunt spiritus; eo magis cedunt spiritus versus principium neruorum; eo magis spiritus irritant principium neruorum; eo magis sentit anima tensionem nerui; Ergo quo plus neruorum tensio increscit, eo fit dolor ferocior. Contraria e contrariis elucent.

§. XVI.

Ast, cum dolor sit perceptio nata e tensione cuiusdam nerui; & tensio sit actio: actiones vero gradu differre possint; different quoque dolores inter se gradu: quo enim propiores nerui sunt rupturae, eo sunt dolores vehementiores; contra, quo leuior neruorum tensio, & naturali propior, eo mitiores dolores erunt. e. gr. vulnere illato non statim sentitur dolor; postquam autem retractio frustorum solutarum fibrarum ex parte facta est, tunc; quia fibrae vel semi discissae, vel reliquae adhuc integrae, vel vtraeque simul, a frustis discissarum fibrarum magis magisque se retrahentibus, illisque ope membranularum cellulosarum copulatis, fortius trahuntur, ac tenduntur, quam antea; aliqualis dolor rursus mouetur, qui sensim amplificatur, quo magis horum retractio, illarum vero tensio, increscit. Item pili, qui aliqualem cum neruis connexionem habent, paululum tracti, titillationem; tractione uero aucta, dolorem; &, pro augmento tractionis, gradum doloris maiorem; imo, tales tensi, si vltimato ocius evellantur, repentinum, maximum, haud diu durantem; dum nerui

ui rupturae sunt proximi; doloris, cum conuulsione, gradum excitant; qui, euulsis pilis, illico plane cessat. Gradus doloris ferme omnes nobis quoque exhibent torturae modi, vtpote quorum tres in Belgio vsitatis-
simi omnium sunt: primus est membrorum elongatio; secundus horum intorsio; tertius compressio fibrarum ad apices digitorum; quibus partium mollium fibrae a tensione naturali vsque ad ruptionem pene sensim decantur. Vt autem carnifices in criminum reis dolores magis exasperent; artuum distractorum ossa e situ naturali dimouent, ac tum aquam frigidam, & salerni communem, cuti inspergunt, ac infricant; quo pacto ob dolores in ipsis ad summum prope nunc auctos miserimas querelas & gemitus, immo totius interdum criminis euocant confessionem. Miseris illis hominibus carnifices post consummatam torturam membra distracta aqua calida & oleis molliunt, relaxant, doloresque hisce remediis leniunt. Vid. BOERHAAV. Lib. cit.

§. XVII.

Per anatomen constat, cerebri medullam, & spinalem, haud exilem largiri copiam neruorum ligamentis circa articulos, membranisque magnis; interque has aequae, ac illa, copiose ad reliqua descendere vtriusque medullae neruos.

§. XVIII.

Ex hoc itaque & prioribus facile explicari potest, quare grauissime inflammatis membranis magnis & ligamentis circa articulos tam saeuè interdum oriantur dolores, de quibus rhevmatici, cynanchici, pleuritici, paronychia, phlegmone periostei, erysipelate vesicae vrinariae, &c. laborantes miserrime conqueruntur. Nam postquam ars ceraceam materiam iniiciendi ostendit, insertos tendines ligamentaue, quorum membranae neruis quoque scatent, arteriis copiose esse ornata; insuper obser-

obseruationes docuerunt, in arteriarum extremis semper oriri inflammationes; sanguinemque, inflammatione facta, a vi vitae celeriter commotum, inque ea violenter impulsum, ipsa arteriarum extima fortiter expandere, hisque vicina de suo loco dimouere: sequitur, vt neruorum dictorum multi, inflammatis membranis magnis, vel ligamentis, coniunctim quoque violenter tendantur. Cum igitur omnis effectus sequatur suam causam; haecce si multiplicetur, ille quoque multiplicetur, necesse sit: violentam vero tensionem nerui esse causam doloris proximam, demonstratum fuerit: hinc sequitur, vt hac multiplicata, dolor ipse, vt effectus illius, multiplicetur. Quoniam autem membranae magnae, vel ligamenta, si inflammantur, multi nerui simul tenduntur, per consequens causa doloris proxima multiplicatur: sequitur, vt, inflammatis membranis magnis, vel ligamentis, dolor multiplicetur, ac maior fiat. Sed inflammationes gradu differunt, & hinc neruorum quoque tensiones. Maximam ergo inflammationem in dictis conceptam, qua vasa crepaturae proxima sunt, sequitur maximus, siue saeuissimus dolor.

§. XIX.

Licet dolor valde molestum & odiosum morborum symptoma, nec non causa atque fons multorum, interdum quoque intolerabilium fere, malorum sit; bonum tamen nobis certo modo praestat officium: nam instar fidelissimi custodis significat, partem, morbo laborantem, in periculo esse, inque istius regione quoddam haerere, quod destructionem partis minetur; & sic hostem, siue causam destruentem, palam facit, quae alias, si communi naturae sensu destitueremur, totam nostri corporis machinam cito deturbaret, antequam eam e. gr. combustionem, corrosionem &c. animaduertemus. Aeger antea distincte, nunc plane non, sen-

tiens, ac nullum dolorem percipiens, vt apoplecticus, ad tempus viuere potest: at eius vitae status multo deterior est, quam acutissime sentientis: quoniam hicce omnes vehementiae gradus vrgentis mali sibi repraesentare, indagare, auxiliaque medicorum implorare; ille vero ob compressionem in cerebro factam id non efficere potest. Ob eamque causam huius, qui raro resuscitatur, vita magis, quam dolores non ferendos percipientis, in periculo versatur. Si vero homo apoplecticus liberetur a compressione cerebri, in partibus huic subiacentibus mox redit sensatio, nec minus dolor; ergo status respectu apoplexiae melior. Simile officium praestat anxietas: quo enim vehementius, inprimis quae febrim acutam comitatur, ingrauescit, tanto magis indicat ea, viscus quoddam vitale graui morbo esse oppressum, eiusque functiones impediri; harum enim grauior laesio, nisi cito emendari queat, vitae periculum, imo saepe mortem inopinam imminere innuit.

§. XX.

Pulsus est expansio arteriarum, facta a massa sanguinea, in illas a corde se contrahente intrusa.

§. XXI.

Ex pulsu itaque iudicari potest quaelibet cordis arteriarumque vis, nec non motus massae sanguineae.

§. XXII.

Cum naturali velocior pulsus adest omni febris tempore, ab initio ad finem, eoque solo medicus praesentem febrim iudicat (a): sequitur, vt velocitas pulsus sit criterium febris perpetuum. Sed rei criterium perpetuum constituit differentiam specificam: ergo velocitas pulsus erit febris differentia specifica. Febris ergo est iste morbus in quo pulsus naturali celerior semper praesens est.

(a) vid. FRANC. de la BOE, Syluii prax. med. ideam nou. cap.

27. §. 1. Eiusd. Disput. med. de febribus, thes. 4. & 5. Hercul. Saxon. Pantheum med. select. Lib. V. cap. 17. 18. Eiusd. Tract. de pulsibus Lib. III. cap. II. BOERHAAV. aphor. de cognoscend. & curand. morb. aphor. 570, 571.

§. XXIII.

Sed pulsus naturali celerior supponit similem causam: haec cum necessario sit celerior massae sanguinae motus; hicce autem fieri non possit, nisi velocior cordis contractio antecedit: sequitur, ut facta velociore cordis contractione, & ab hac dependente motu massae sanguinae naturali celeriore, fiat pulsus naturali celerior: Dum igitur in febre semper hicce praesens: concludere licet, motum massae sanguinae semper naturali celerio-rem existere in febre.

§. XXIV.

Hic motus, cum massam sanguineam pellat, & haec in vasis includatur: vel in ipsa massa sanguinea solum; vel in eiusdem vasis solum; vel in vtrisque simul nonnullae mutationes se ostendunt. Spectemus mutationes

- I. in vasis: quia impelluntur parietes, quibus nervi sunt intexti, vasorum, & ad sui contractionem stimulantur per massae sanguinae contentae motum; impulsus eorum & stimulus est eo maior, quo maiori motus dictus celeritate increseit.
- II. in massa sanguinea: quo celeriori motu mouetur eadem eo maior fit motus globulorum istius inter se; eo maior motus partium illos constituentium; eo copiosius liberantur igneae partes; hae eo copiosius admouentur ad massae sanguinae reliqua; eo maior fit actio ignearum in reliqua; eo maior calor excitatur; eo magis aer in reliquis contentus expanditur; eo magis partes massae sanguinae expanduntur; eo maiorem ipsa massa sanguinea patitur rarefactionem.

III. in vasis & massa sanguinea simul: ista per huius tam motum, quam rarefactionem duplicem vim extendentem ferre debent. Vnde nihil obstat, quo minus ex febris oriri possit dolor, quem cum febris coniunctum doloris febrilis nomine notamus.

§. XXV.

Cum igitur febris acuta sit febris; ista etiam febris effectus producere valeat: sequitur, ut febris acuta excitare possit dolorem febrilem, quem a febris acuta natum, & cum febris acuta coniunctum, dolorem febrilem febris acutae adpellamus. Sed quoniam terminus *dolor febris acutae*, longior est; in §is subsequentibus breuitatis causa in locum istius terminum breuiorem retinebimus, nimirum *dolorem febrilem* substituemus, sub hoc istum semper intellecturi.

§. XXVI.

Quae ergo febrim acutam, ea quoque dolorem febrilem, excitare valent. Et hae erunt causae doloris febrilis mediatae.

§. XXVII.

Sed sequentia febrim acutam pariunt,

- 1) *plethora commota*; quae facit intolerabilem calorem, rarefactionem massae sanguineae, congestiones, oppressiones, infarctus, stases, expansiones vasorum maiorum, compressionem minimorum, inflammationes, quas dolores sequuntur.
- 2) *omnes consuetae euacuationes retentae*; ut haemorrhagia narium, vteri, haemorrhoidum, transpiratio insensibilis, vlcera manantia &c. Tum humorum excernendorum copia retenta, a febre commota, rarefacta, in partem singularem determinata, congestiones in hac, stagnationes, inflammationes, & plurima alia mala

mala, ab inflammatione dependentia, inprimis in partibus operationibus animalibus destinatis &c. nimirum dolores, mouent.

- 3) *motus corporis & animi subitanei, continuati*; quibus humores corporis fortiter agitantur: ex qua agitatione praecedentium numerorum phaenomena sequuntur; quae eo vehementiora, quo maiori in copia existunt humores, sani, morbofi.
- 4) *alimenta vinosa & potentia calida, item remedia quaecunque stimulantia, acria, aromatica, volatilia, theriacalia, alexipharmaca, amara, vesicatoria, regimen nimis calidum, & id genus alia, interne & externe adplicata*; istorum incongruum vsum breui post, praecipue in febribus acutis adhibitorum, motus, calor, rarefactio humorum circulantium, per consequens distensio vasorum maior excipiunt; qui diu continuatus non attenuationem aut resolutionem obstruentium, & peregrini massae sanguineae commixti, sed potius difflationem tenuium & subtilium, nec non & reliquorum antea fluentium inspissationem, incrassationemque procreat. Vnde dolor, inflammationis augmentum, quod suppurationem, vel gangraenam; in locis tamen glandulosis, praesertim externis, interdum scirrhus, gignit. Inter remedia nocentia hic maxime quoque referenda sunt *auxilia mercurialia* praeparata, quae grauitate admodum magna in vasa obstructa arteriosa premendo agunt, liquida putrida fortiter mouent, ea corruptione etiam maiori inficiunt; vti hoc curatio, quae in saluationibus adhiberi consuevit, nos docuit; imo vasa simul obstructa tritu destruunt. Hinc a datis remediis cinnabarinis in nimia quantitate cum salinis, in inflammationibus dolores semper exasperantur; & aegri, si ab eorum exhibitione medicus non abstineat,

putredine cadauerosa, quod iam dudum diligentissimi obseruatores annotauerunt, moriuntur. Mercurialium enim remediorum vsus liquida in corpore benediluta, & vasa arteriosa libera, siue non obstructa, nec renitentia, vt medici saluationem dirigentes testantur, semper requirit; quae alias sine hac conditione tristem effectum edunt.

- 5) *insueta assumta*, & *contagia* morborum acutorum communicata.
- 6) *omnis obstructio in canalium nempe arteriosorum extremis orta*; tunc enim a febre urgente arteriae obstructae fortiter implentur massa sanguinea, & distenduntur: vnde dolores in cunctis morbis inflammatoriis, praesertim in tumoribus irritatis, e. gr. scirrhis, & ossium laesionibus violentis.
- 7) *viscidum inflammatorium*; quale a motu violento, aut febre ipsa, per aliquot dies continuatis, generatur. Per haec enim massa sanguinea liquidis diluentibus orbatur, inque spissam, & tenacem conuertitur materiam; quae sibi relicta si insuper fortiter commoueatur, acrem, & spissiore, sibi acquirit naturam. Permeatura talis massa sanguinea non amplius permeare potest vasa permeanda. Hinc praecedentibus similia, interdum vehementiora, inflammationes nimirum, & dolores vehementes, facili negotio producit.
- 8) *quaelibet vis distendens & distrahens*; haec est in tumore membranarum inflammatione suscitato, siue ea sit morbus idiopathicus cum febre veniens; siue sit symptomaticus a febre productus. Ita in paronychia a febre valida dolor cito augmentum capit, adeo, vt post aliquot horas phlegmone vsque ad brachium cum summa inquietudine & quasi furore aegrotantium proserpat.

9) omnes

- 9) *omnes laesiones externae, violentae, partium corporis humani*; a febre accedente in fracturis & luxationibus ossium inflammationes cum atrocibus doloribus excitantur, illae, si in principio beneficio curationis antiphlogisticae non praecaveantur.

§. XXVIII.

Cum experientia nos edoceat, quod inquietudo, iactatio, vigilia, calor, siccitas, debilitas, sitis, motus convulsus interdum, vomitus, delirium, animi deliquium, ut plurimum sequantur dolorem febrilem continuatum, & ab hoc illa suscitentur: sequitur, ut dolor febrilis sit causa istorum phaenomenorum; haec autem istius effectus: qui non diu occultari possunt.

§. XXIX.

Resultat dolor febrilis a tensione nerui violenta: posita hac

- 1) pars dolens non patitur mentem quiescere, sed illam perpetuo turbat, quae, cum istud malum auersetur, de auxilio a quo dolor leuetur, cogitat. Propterea dolores euitare cupientes partem dolentem, imo totum interdum corpus, quod in omni quoque animalculo violenter laeso obseruatur, saepius ab alio loco ad alium trahunt, mouent, & tam diu iactant, donec aptum obtinuerint situm nerui, quo huius tensio imminuatur. Dolores, hac imminuta, relaxantur. Quoniam vero in summo dolore rarissime neruum commode ponere, eiusque tensionem imminuere queunt; constantem non seruant membrorum situm, sed semper ea iactant aegri, si podagricos exceperis, quippe qui omni modo student silere, & quiete uti, ne corporis motibus dolores suos saeuiores reddant, quod vel minimus membri motus efficere valet. Dolor febrilis itaque producit tale quid, quod

quod permanentiae in eodem loco contrarium est, scilicet inquietudinem.

- 2) sequitur ex inquietudine, massam sanguineam fortiter commouente, contrarius somno status, vigiliarum nomine notatus. Hae oriuntur vel a praesentia spirituum bonorum, copiosorum, motorum, in nervis, vel ab irritatione nervorum externa, interna: ac ex duabus hisce conditionibus vigiliarum existentia concipitur. Cum itaque ab influentibus spiritibus iterum iterumque retropressis in nervis a corpore praesente, agente, tensis, sensorium commune in dolore febrili semper irritetur; ac per hanc irritationem mens semper excitetur ad repraesentandas sibi istas mutationes per agens corpus in corpore factas & existentes: status autem ille hominis, in quo mens conscia est rerum praesentium, nomen vigiliarum subit: sequitur, ut ex dolore febrili oriantur vigiliae: Et quamvis interdum prae lassitudine videantur dormire; tamen hoc fit turbulenter, cum magna inquietudine, ac insomniis ut plurimum horridis: tali igitur somno magis defatigantur, quam reficiuntur aegroti.
- 3) uti multi motus animi excitati velociorem cordis motum, actionesque animales vehementiores inferunt: sic quoque dolor utrumque hoc efficit. Dum igitur velociori motui cordis semper succedit similis humorum in vasis motus, ac pulsus: hic autem aequae, ac ille febrim constituunt. Dolor ergo febrilis febrim praesentem adauget. Sed actio violenta humorum in se mutuo & in hos cingentia solida, iterumque horum in illos concitat calorem. Caloris itaque augmentum dolorem febrilem sui causam agnoscit.
- 4) calor massam sanguineam resoluit, expandit, aquosa & levia eleuat, dissipat, e corpore per cutis poros eliminat; quo ipso vero pluribus orbatur liquidis massa sanguinea, huiusce reliqua inspissantur, ac inflammatoria,

toria, naturali contraria, diathesi, ista inficitur. Cum ergo per calorem defectus humorum sufficientium in vasis oriatur; talis vero audiat siccitas: Dolor febrilis producet siccitatem. Sed notum est, humida blanda corpora dura emollitionis capacia, vt flecti possint, efficere; contra eorum defectum id ipsum impedire: hinc sequitur, vt corpora antea flexibilia fieri possint minus flexibilia, si rursus orbentur liquidis blandis, quae in se penetrauerunt. Ast flexibilitas fibrarum nostrarum dependet a copia humorum blandorum, meabilium, in nostris vasis existentium: isti vero a calore fuerunt dissipati: hinc sequitur, vt calor efficere possit inflexibilitatem fibrarum. At dolor febrilis facit calorem. Ergo dolor febrilis producere potest inflexibilitatem fibrarum.

5) diffantur quoque spiritus simul, commixti massae sanguineae, inque nervos secernendi. Dum igitur ad actiones animales libere exercendas requiritur sufficiens & determinata spirituum quantitas, horumque liber influxus per nervos in organa, quibus istae peraguntur: illa vero per calorem in hoc statu valde imminuitur: sequitur, vt actiones dictae animales libere fieri haud possint. Sed difficultas nata exercendi tales actiones est species debilitatis. Dolor febrilem ergo prognerare debilitatem posse, manifestum est.

6) calor continuatus, tenuibus, diluentibus, orbatos, spissos nimirum, & celeriter se mouentes, humores alcalica labefactat acrimonia, quae nervos sic vellit, vt istam aequae ac fibrarum siccitatem sentiamus. Ex qua demum sensatione in nobis progignitur desiderium sumendi, quae ista imminuant, humida. Sed tale desiderium dicitur sitis. Dolor febrilis ergo sibi vendicat causam sitis.

C

7) eaque

7) eaque sensim ad rupturam usque nervi aucta, redundat hicce superstitibus, quo minus descendant impeditis, & violenter ad sensorium commune retrogressis, spiritibus, qui hoc tam fortiter irritant, ut exinde horrenda mutationis praesentis proficiscatur in mente repraesentatio, cum subita, quae subsequitur, consternatione animi, & impetuosiore, & alterna spirituum per nervos motorios in motibus animalibus dicatos musculos impulsione, similis effectus causam sustinente, actionis nimirum violentae, inuitae, & alterne repetentis, musculi. At talis musculi actio vocatur motus convulsivus. Concipitur ergo ex dolore febrili motus convulsivus: imo adeo prostant exempla vomituum, & deliriorum, ex dolore febrili fluentium, quorum ultima, si contingant, pro causa sua proximior agnoscere possunt congestionem sanguinis, violenter in capillares cerebri arterias impulsam.

8) per convulsiones massam sanguineam calefacientes permulta istius tenuia, & simul quoque spiritus exprimuntur, diffantur. Reciprocus influxus spirituum copiosorum in musculos, & sanguinis copiosi in caua, cordis, producit robustam huius contractionem. Quae cum tres causas coexistentes agnoscat, spiritus nempe copiose existentes; massam sanguineam copiose praesentem; utrorumque influxum in dictas partes: sequitur, ut extenuata quoque unica, cordis contractio robusta non amplius fieri possit. Tam ante motus convulsivos per febrim & calorem, quam in motu convulsivo ipso a dolore febrili genito, magna spirituum & reliquorum humorum tenuium massae sanguineae copia consumpta, per consequens duae contractionis robustae cordis causae imminutae fuerunt: sequitur, ut dolor febrilis imminuat contractionem
cordis

cordis robustam. Sed roboris oppositum est debilitas. Dolor ergo febrilis inducere potest cordi debilem contractionem, siue impotentiam contrahendi. Sed quo debilior cordis contractio, eo debilior erit massae sanguineae motus progressiuus, quippe qui & a consistentia massae sanguineae, vasorumque capacitate insuper determinatur; ergo eo debilior actio massae sanguineae in parietes arteriarum, horumque in illam; eo debilior expansio arteriarum; eo debilior pulsus. Dolor ergo febrilis producet pulsum debilem. Concipies exinde quoque caloris defectum, siue quod idem est frigus. Sed quo debilior pulsus, & paucior massae sanguineae copia, eo minor huius quantitas defertur ad cerebrum, & in vasa a corde remotissima, cutanea nimirum; eo minori gradu expanduntur vasa; eo minus pellucida euadunt; eo minus rubor in iisdem visu percipi potest; ergo eo magis pallor. En, vt paucis rem complectar, signa animi deliqui, pulsum debilem, frigus, pallorem. Hinc quaeso dolorem febrilem, animi deliquium excitandi facultate pollentem, iudicabis.

§. XXX.

Quid indicet dolor febrilis, si scire desideras, respicias necesse est ad doloris febrilis locum, gradum, tempus.

§. XXXI.

Cum dolor febrilis sit in parte corporis nostri, tanquam in suo loco; & hic indicet, mutationem quandam partis vel factam esse, vel fieri; pro varietate partis varium est, quod instat, periculum. Hinc generatim memoria tenendum, quod quo nobilior pars, vel minus nobilis, siue ad vitam sustinendam plus, minus, necessaria sit, eo maius, vel minus, periculum timendum. vid. PROSP. ALPINVS, *de praesagienda vita & morte aegrotantium Lib. II. cap. 18. in fin.*

§. XXXII.

Si ad doloris febrilis locum ulterius attendis; erit dictus dolor vel in loco, in quo fuit, cum aeger aegrotare & febricitare incepit; vel non inibi est: Prior casus periculosior est posteriori. Testatur experientia, quod dolor febrilis acutus, isque vel

- a) internus in partibus, quae copiosa vasa sanguinis teneriora possident, nobilioribus; vel
- b) externus in partibus ignobilioribus, magnam istarum inflammationem notet. *vid. lib. cit. cap. 19. ab init.*

§. XXXIII.

Si dolor febrilis occupat alium locum, quam praecedenti §pho ab initio indicatum; dolor vel occupavit a sui initio statim istum locum, (sive partem) quem iam tenet; vel ex aliis in hunc transmigravit. In utroque casu

- a) valent, quae antecedenti §pho dicta; in ultimo tamen insuper speciatim monemus,
- b) quod, si ex nobiliori parte in ignobiliorem abierit, boni semper, si contra, mali cuiusdam expectationem exhibeat. Hinc dolores acuti febriles externi si in viscera aegri retrocedunt, periculosi: e. gr. in angina absque vlla significatione redundantes in caput dolores cum febre, periculum indicant HIPPOCRATES. *Praenot. Coac. 372.* phrenitidem nimirum, & apoplexiam, futuram. Et CELSUS *de re medica Lib. II. cap. 6.* dicit: dolores circa coxas & inferiores partes orti, si ad viscera transierunt, subitoque desierunt, mortem subesse testantur; magisque, si alia quoque signa accesserunt.

§. XXXIV.

Dum ex doloris febrilis gradu ipsum dolorem diiudicas; exhibent illi gradus pariter periculi diuersitatem, ita, ut vel maior, vel minor, periculum vel maius,

ius, vel minus, minetur, ac indicet. Dictis his non tollitur, quod nec in vno minori huius doloris gradu periculum maius, quam in maiori, adesse possit: verum hoc e doloris febrilis loco, gradu, tempore, coniunctim sumtis, cognosci potest; minime ex solo gradu. Sic in angina quaecunque conspicuum dolorem non produnt periculi plena sunt, vid. HIPP. *Praenot. Coac.* 376.

§. XXXV.

Indicat quoque nobis aliquid tempus istud, quo dolor febrilis accedit. Nam

- a) febrim illico sequens, sui solutionem fieri, si febris soluitur, plerumque indicat.
- b) dolor diebus criticis exurgens crisin febris futuram pronunciat; ea differentia, vt quibus in febribus acutis dolores, rubores, calores, tensiones ad aures, crura, hypochondria, diebus criticis fiunt, bona signa sint. vid. P. ALPIN. *Lib. II. cap. 19.* Simili ratione in febribus acutis dolores capitis, vel & ceruicis, cum temporum grauitate, tenebricosa caligine, invitis lacrimis, rubore faciei, oculorum, venarum pulsatione, pruritu narium, die decretorio, sine lethali signo alio, adparentia, bona plerumque signa sunt: futuram enim imminere arguunt haemorrhagiam; quae, si larga satis erit, vtplurimum febrim; per consequens & dolorem; soluit. vid. BOERHAAV. *aphor.* 741. & HIPP. *in praenot. Coacis & Libb. de morb. popular.*

§. XXXVI.

Cum actio doloris febrilis fit in tempore, & dolor hic agendo mutat partes sanas in morbosas: sequitur, vt quo longius dictus dolor duret, eo plus mutet, & faciat periculi. Hinc dolor acutus febrilis externus, & internus, diu persistens in nobiliori aequae, ac ignobilioris parte, suppurationem, abscessum, gangraenam, sphacelum,

celum, nec minus mortem totius producere valet. Habes igitur etiam id, quod ex duratione doloris febrilis cognoscitur.

§. XXXVII.

Conseruare sanitatem & amissam restituere est medicinae. Posteriori maxime, apud febrilem dolorem opus est. Id si per medicamenta intenditur, negotium institutum cura audit. In hac, quae facienda sunt, praesentia in aegroto signa, quae indicantia dicuntur, mentem medici instruunt.

§. XXXVIII.

Aeger priuationem, vel mitigationem doloris febrilis, de quo conqueritur, desiderat.

§. XXXIX.

Dum igitur nullus effectus physicus est sine causa physica; isteque nec imminuitur, nec cessat, nisi haecce vel imminuitur, vel & auferatur: sequitur, vt dolor febrilis nec imminui, nec cessare, possit, nisi huius causa vel imminuatur, vel auferatur. At doloris febrilis causa, eademque proxima, est tensio nerui vltra modum naturalem, violenta. Ergo, si dolor febrilis vel imminuendus, vel auferendus, tensio nerui vltra modum naturalem, violenta, vel imminuenda, vel auferenda, est.

§. XL.

Sed causa causae est etiam causa causati. Cum causa doloris febrilis proxima praeternaturalem, violentam, expansionem arteriarum capillarium in quadam parte pro sua causa agnoscat: sequitur, vt, manente hac, altera (§.XXXIX.) quoque, & huius effectus, maneat. At dolor febrilis depellendus est. Impediatur ergo, vltior, praeternaturalis, violenta, expansio arteriarum capillarium in parte dolente.

§. XLI.

§. XLI.

Quia nunc expansio haec violenta capillarium in parte dolente dependet in febre acuta a massa sanguinea, motu naturali celeriore in istas mota, rarefacta, huiusque impetu in istarum parietes: sequitur, vt & hicce, & ille, in capillares moderandi sint. Obtinetur vtriusque moderamen per sequentia, nimirum

1. Si cordis, & arteriarum, contractioni frequentiori, & fortiori, repugnamus. Hoc fit ablato stimulo vtrorumque ad contractionem nimio.
2. Si massam sanguineam quadantenus in alias partes sanas magis deriuamus.
3. Si massae sanguineae in parte a dolore adfecta liberum transitum ex arteriis in venas rursus conciliamus.

§. XLII.

Stimulatur cor ad frequentiolem, & fortiolem, contractionem, quam arteriarum similis excipit,

1. si velocior, reciprocus, copiosus, influxus spirituum in musculos, & massae sanguineae in caua, cordis fit.
2. si massae sanguineae acre quoddam admixtum fuit.

Necesse ergo erit, vt singulae, quae existant, contractionis causae diminuuntur.

§. XLIII.

Existentes (§.XLII. no. 1.) diminuuntur

- 1) mitigato, qui offensus, commotus, perturbatus est, animo.
- 2) imminuta quantitate M. Snae ad encephalum deferendae.
- 3) retardato refluxu celeri massae sanguineae in caua cordis.

§. XLIV.

§. XLIV.

Medici est, talibus semper vti auxiliis, & remediis, quibus tuto, ac cito, morbum depellat. Ergo & nostrum erit. Proponamus itaque praestantes medicinas, & quidem tales, quas etiam indicationes factae adhibere iubent.

§. XLV.

Vt ergo imminuatur moles massae sanguineae imminuenda

1) si febris acuta magna; dolor febrilis magnus; in robusto, exercitato, sicco, corpore; ante tertium diem finitum doloris febrilis, vbi idem adhuc dependet ab inflammatione pura; sine spe, vel praesentia resolutionis, absentibus symptomatibus criticis (a), evacuatione critica (b), quippe quae a natura interdum sollicitè in salutem aegri excitantur, ac, si praesentia sint, incongruis remediis minime turbanda (c), sed potius conuenientibus conseruanda sunt; detractio massae sanguineae, cita, larga, ex magno vase partis oppositae affectae parti, per magnum vulnus, ac dum fluit, respiratione, suspiriis, tussi, accelerata, loco affecto, si fieri potest, eodem tempore foto, & leniter, perfricto, instituenda, ac continuanda est in remissionem satis notabilem doloris febrilis, vel & ad prima signa animi deliquii. Toties missio sanguinis repetenda est, quoties dolor febrilis, ac reliqua symptomata, ad quae tollenda prima instituta fuit, redeunt (d). Si venam, vel arteriam, secare aeger vetet, cucurbitulae magnae cum scarificatione fortiter trahentes sunt adplicandae. Per scarificationem enim venosus, arteriosus, sanguis simul educitur. Postquam sanguis prima vice effusus fuit,

2) Alius

2) Alius mox vacuetur clysmate ex decoct: flor: malu: arb. melle & nitro; vel etiam purgantibus antiphlogisticis deglutiendis, vt decoct: pomor: borsdorffianor. cum ficubus vel passulis & crystall: tart. parato. item decoct: prunor: dulc. cum nitro purif. sale prunell. polychrest. Vel pulpa tamarind. rhabarb. crem: tart. e quibus cum sirup: violar. rosar: solut: cum senna. cichor.: cum rheo. alth. electuaria componi possunt. Haec sanguinem attenuant, soluunt, in lympham mutant, huius secretionem accelerant, & vasa arteriosa lymphatica in canalem intestinorum hiantia leniter ita stimulant, vt in istum euomant copiosius contentum secretum.

(a) vid. BOERHAAV. instit. med. §. 934, 936, 937.

(b) vid. Eiusd. lib. cit. §. 938. Eiusd. aphorismos, 888, 923.

(c) vid. Eiusd. instit. med. §. 939.

(d) vid. Eiusd. aphorif. 890.

§. XLVI.

Retardatur refluxus celer MSneae in cava cordis,

- 1) quiescentibus musculis, actionibus animalibus destinatis; siue quod idem est, quiete corporis.
- 2) si viae sanguinis celeriter refluxuri, arctantur. Ob eamque causam post adhibita, quae in (§. XLV.) indicantur, praesidia statim artus vinciendi sunt ligamentis mollioribus, moderate constringendis.

§. XLVII.

MSnea in aliam partem magis deriuanda deriuatur

- 1) per dicta quoque (§. XLV.).
- 2) robur vasorum in partibus a dolenti remotis parum tollendo: tunc enim sanguinis plus quam antea in dictarum vasa, minus resistentia, introire potest. Adquiratur hoc per
 - a) balnea, pediluua, maniluua, quibus furfures, semini contus. indantur.

D

b) va-

- b) vapores aquosos calidos superficiei corporis ad-
motos.
- c) emollientia, e. gr. rad: alth. symph. glyzyrrh. hb:
borrag. portulac. alth. flor: malv: arb. sambuc. fi-
cus ping. farinam auen. hord. milii cum aqua simpl.
vel sero lact. vel lacte in pultem crassam cocta, pan-
nis laneis inuoluta, e. gr. plantis pedum, regioni
poplitis &c. calide adplicata.
- d) emplastra emollientia, vt de meliloto, ammonia-
co &c. vel & fortiter adhaerentia, e. gr. oxycroce-
um, diaphoreticum Mynsichti: nam collecti sub
emplastris vapores corporis humani vasa cutanea
emolliunt.
- e) cucurbitulas ficas, aere plene vacuas, in varia cu-
tis loca imponendas.
- 3) istis, quae irritando humores adducunt. Sunt talia
 - a) sinapismus. e. gr. fermentum panis acidum cui sem:
sinap: contus. sal comm. & acetum, admixta fuerunt.
 - β) vesicatoria.

§. XLVIII.

Conciliatur liber transitus in parte a dolore adfecta
MSneae ex arteriis capillaribus in venas similis generis

- 1) si MSeam a dolore febrili inspissatam, ad permean-
dum arterias capillares ineptam, aptam reddamus.
- 2) si arteriarum elaterem nimium, angustiam, a dolo-
re febrili nata, tollamus.
- 3) si impactum in capillaribus arteriis obstructis resol-
uamus.

§. XLIX.

MSnea inspissata, ad permeandum arterias inepta,
apta fit

- 1. per diluentia, resoluentia blanda naturae saponi-
ceae, nitrosae, interne calide sumta. Talia sunt suc-
ci recenter expressi chondrillae, fumar. tarax. endiu.
lactuc.

lactuc. gram. tragopog. scorzon. cichor: item decocta horum, extracta vario modo exhibita.

2. fouendo febrim moderatam.

§. L.

Arteriarum elasticitatem nimiam, angustiam, tollunt; earumque fibras laxant

a) decocta emollientium (§. XLVII. num. 2. c.) calide pota. item oleum amygd: dulc. recent: press. cum saccharo tritum, & sumtum.

b) clysteres decoctis (a) similes.

c) & (§. XLVII. num. 2. a, b.).

d) olea recenter expressa vegetabilium. e. gr. oleum amygd: dulc. oliuar. lini; vel olea animalium, minus rancida, vt cremor lactis, butyr: insul. pingued: capon. medul: bouis; vel & vnguenta composita e. gr. de alth. popul quibus partes corporis inungantur.

§. LI.

Imminuta quantitate MSneae (§. XLV.) motae, impactum vrgentis, resoluitur hoc in capillaribus arteriis obstructis

1) iisdem (§. XLIX. num. 1.), quae (§. L. a) associare possumus.

2) quoque (§. XLVII. num. 2. b & c) parti adfectae immediate admotis.

3) frictione partis dolentis, pannis calefactis ab extremis arteriarum ad harum basin: siue retropellendo impactum motu retrogrado in arterias maiores, (a).

4) quoque (§. XLIX. num. 2.).

(a) vid. BOERHAAV. aphoris. 140. 141.

§. LII.

Dolor febrilis diu continuatus inquinat MSneam acrimonia alcalescente. At omne acre MSneae communicatum stimulat cor, arterias, ad frequentiore & fortiore,

tiorem contractionem. Ergo & acrimonia alcalescens. Sed ista est moderanda, alias dolor febrilis non cessat. Opus ergo erit, vt haecce obtundatur. Supprimitur diluentibus aquosis & acrimoniae alcalescenti oppositis. Propterea aegro concedenda sunt

- 1) malor: aurant: succus, iuiubae, baccae sambuci, cerasa nigra vtriusque generis, fraga, cum aqua simpl: fero lactis, cocta, saccharo, melle, vino Rhenano generoso mista: item potus Limonade.
- 2) emulsiones ex amygd: dulc. sem: 4. frigid: maior: & min. cum pauco nitro & saccharo confectae.
- 3) Tincturae e. gr. papau: rhoead. violar. rosar. item spiritus salis, nitri, vitrioli, guttae aliquot cum melle, vel rob sambuci, & suffic: quant: aquae simpl. temperatae.
- 4) Electuaria ex melle, sirupis, rob sambuc. ribes. succo citri, saccharo, nitro, crem: cryst: tart. parata: item oxymel simpl.
- 5) Pulueres nitrosi, crem: tart. cum pulu: rad: glyzyrrh.
- 6) clysmata (§. L. b) similia; & si putredo, & malignitas magna, ipsis oxymellis simpl. vel acet: vin: acerr. modica copia, vel & guttae aliquot spiritus salis aut vitrioli, addi possunt.

§. LIII.

Sed obseruatum fuit, quod medicina non vincat morbum, nisi illi conueniens diaeta adiungatur. Erit autem haec vsus moderatus rerum non naturalium, & conueniens in dolore febrili. Dolore igitur febrili tentatus aeger sedulo munditer habeatur, nec minus eius conclaue. Prodest semper ipsi aer humidus, frigidiusculus, purus, minus foetidus, & putridus. Mutandus vt mutetur, aperiantur paululum sereno die, interdum, fenestrae, ianua: impurum vero corrigite accenso nitro
cum

cum pauco gumm: anime, vel vapore aquae acetique lapidi, f. ferro, candenti adspargendorum. Minime obtegatis aegrum graui lotice. Praebeatis isti in incremento, & ἀκμῇ, morbi, potus ac cibos, facile in nostram naturam mutabiles, non infuetos, tenues, morbo contrarios, saepe, pauca copia, vt potum thee cum lacte: item rad: scorz. endiv. lact. cherefol. spinach. acetosell. acetos. cum gelatinis, iusculis carnis, vituli, caponum, pipionum, cocta: item vitellos ouorum cum iisdem iusculis paratos. Iusculis hisce interdum parum, succi citri, aut aceti, aut etiam vini Rhenani optimi, admisceri potest: in decremento paulo meraciores, magis nutrientes. Quiescat mens, corpus. Alius aperta, transpiratio insensibilis, seruentur. Si aeger noctes insomnes semper agat, compefcuntur interdum vigiliae nimiae susurro leni, assiduo, grato, blande tinnulo (a), demulcentibus, humectantibus.

(a) vid. BOERHAAV. aphorif. 709.

§. LIV.

Haec sunt ea auxilia, quae mitigandum, tollendum dolorem febrilem mitigare, tollere, valent. Gradus, locus, tempus istius, cumque hoc connexa, natura, aetas, aegri, sexus ipse, indicabunt, quaenam eligenda, quo ordine, quando, sumenda sint, vtrum omnia, an quaedam solummodo, adhiberi necesse sit. Vsurpanda sunt tam diu, quam diu iste praesens est. Cesatio plena doloris febrilis cum symptomatibus ab eo excitatis, ac restitutio virium, licet debiliu, curae doloris febrilis finiendae sunt indicantia.

§. LV.

Per experientiam constat, quod febris magna, diuturna, euacuationes humorum copiosae, repetitae, vsus nimius humectantium, alimentorum incongruorum post

febris finem cum magno adpetitu ingurgitatorum, vasa, viscera, debilitet, eaque ad morbos chronicos disponat, nisi istorum robur, a cuius existentia tantum generatio humorum, bonorum, sanorum, dependet, restituatur. Meum ergo quoque est, talia medicamina, quibus robur, vasorum, viscerum, per febrim acutam cum dolore, & in hoc remedia, quae ante laudauimus, adplicata, ablatum, in integrum restitui possit, allegare. Perfecte igitur febre, & dolore febrili, finitis, robur corporis totius redintegrari potest

- 1) interne remedijs aromaticis, leniter adstringentibus, singulariter infusis vinosis, tincturis, essentiis spirituosiss, vt essent. amara, carmin. B. WEDEL. cort: aurant. calcarill. lignor. balsamica HOFFMANN. tinctura confortatiua: item martialibus, e. gr. tinctura mart: cydon. martis LVDOVICI, cum vino Rhenano optimo data.
- 2) externe spiritu salu. lauend. ror: marin. antiparalytico, aqua cephal: Carol. V. apoplect: LANGII. Anhaltina: & his similibus, quibus partes corporis foueantur: & spiritalibus fasciis, latis, mollibus, artubus inuoluendis.

Interea tales debilitati robur successiue consequentur quoque per motum corporis moderatum, & vsum frequentem, modicum tamen, animalium iuniorum, vegetorum, in vasis bene clausis coctorum, iusculorum similium cum vitellis ovorum, nec minus vini Rhenani optimi, Graeci nigri, Florentini austeri, Gallici rubri acerbi. En! L. B. signa, causas, effectus, praesagia, medelam, doloris cum febre acuta coniuncti

F I N I S.

CLARISSIMO
DOMINO
DOCTORANDO
S. P. D.
PRAESES.

Exhibuisti mihi dissertationem tuam inau-
guralem, CLARISSIME DN. DOCTO-
RANDE, simulque etiam atque etiam a
me petiisti, vt eandem TIBI vel plane non,
vel admodum parum mutatam redderem. Per-
legi itaque TECUM eandem & TIBI demon-
stravi, quod mihi TECUM variae theses, tam
ad febrium theoriam quam ipsam medendi me-
thodum potissimum spectantes, non conueniant,
quare etiam suasi, vt mutarentur. Ast regessi-
sti, TE theses TVAS e clarissimorum medico-
rum scriptis & ore, ac praesertim celeberrimi
BOER-

BOERHAAVIL, hausisse, simulque fidem dedi-
sti, TE eas & ore & calamo, si opus fuerit,
defensurum esse: ideo TIBI easdem non mul-
tum mutatas reddidi, sed pauca solum vel ad-
ieci, vel abieci, quae vel perspicuitatem quan-
dam adferre vel eidem obesse possent, spe fre-
tus, eruditam TVAM facundiam id esse prae-
stituram, quod promisit. Caeterum TIBI de
bene promeritis honoribus Doctoralibus, quos
breui prensabis, ex animo gratulor, Deum-
que immortalem deuote precor, velit TIBI
constantem animi corporisque concedere vi-
gorem & inuidendos in praxi medica largiri
successus. Dabam e Museo D. XXV.

Augusti M DCC XXXVIII.

